

ما الهم الذي تحمله □ - لقاءات لاييف - م علاء حامد

علاء حامد

الحمد لله وشهاد ان لا الله الا الله وحده لا شريك له وشهاد ان محمدا عبده ورسوله صلى الله عليه وسلم اما بعد خليني النهاردة اكون
اه صريح شوية يعني - [00:00:00](#)

الفترة اللي فاتت ديت اه كلنا يعني بغض النزر عن اصحابنا واصدقائنا اه شفنا دفنا ناس كتير حباب كتير يعني بل مات في
الفترة اللي فاتت دعاء علماء وصالحين ونحو ذلك - [00:00:18](#)

خليني اقول لكم من خلال تجربتي الدعوية ربنا يبارك فيك يا محمود يحيى من خلال تجربتي الدعوية المحدودة من خلال اللي انا
شفته في حياتي كلها ان اكتر شيء مؤسر - [00:00:46](#)

انا اتعاملت مع ناس كتير على فكرة الدعوة وطلبة علم وناس هم مش طلبة علم ومش دعاء ولكن ملتزمين محبين للسلام يعملون
للاسلام اكتر صفة وجدتها مؤثرة مؤسرة الشخص في حياته - [00:01:06](#)

وفي مماته وفي كل حاجة هي ما يحمله في صدري من الهم ما يحمله في صدره من الهم هي القضية التي تشغله بالفعل في فرق بين
القضية اللي تشغله بالفعل - [00:01:30](#)

وبين القضية اللي هو ظاهر ان هو مندمج فيها يعني انا وجدت افضل الناس هم فعلا اكتر الناس يحملون هم هذا الدين قد يكون
هؤلاء ليسوا بدعاة يعني. وليسوا بعلماء - [00:01:49](#)

ولكن فعلا ما تعاشرهم ولا تجالسهم الا وتجد هم الدين ظاهر جدا في حياتهم يتكلمون عن ذلك كثيرا يجالسون الناس فيحدسونهم
عن الله دايما دماغه شغاله في الدين هو في الدنيا زينا واحيانا بيبقى احسن مننا. بيزاكر كوييس وناجح في حياته وعنه شركته او
موفق او مهندس او طبيب او او او - [00:02:08](#)

كل ده سوء لكن دماغه فين يعني؟ يعني ايه اللي يجيشه في صدره دايما؟ ايه الموضوع اللي شاغله دايما؟ ايه الموضوع اللي هو
حاسس ان هو بييعلم ويصحى مركز فيه دايما - [00:02:38](#)

احسن ناس اتعاملت معهم وفعلا اقرب ناس الى حسن الخواطير واقرب ناس فعلا الى التوفيق دائمها هم اكتر الناس حملوا لهم هذا الدين
وانا اكدت عليكم قبل كده يعني في اللایف دوت ان هم لا يلزم ان يكونوا دعاة ولا يلزم ان يكونوا علماء - [00:02:57](#)

ولكن اصحاب همة في واحد مهموم جدا بامر الدين بيفنفق في الموضوع ده انفاق كبير جدا. انا اعرف واحد آكل يعني اهتمامه ان
هو افكار يدي يعني ما يقعدش معي مسلا قعدة الا لازم يديني فكرة دعوية - [00:03:18](#)

لازم يقترح علي مسلا آآ خطوة اعملها في سبيل الدعوة. آآ هو لوحده يعني يقترح علي آآ مساعدة ولو مساعدة معنوية دماغه
دايما في الحنة ديت انا بحب الناس دي قوي - [00:03:39](#)

وبحسن الناس دي هي احسن ناس عند ربنا سبحانه وتعالى لان ربنا يا جماعة يعلم السرائر ويرى الضمائر سبحانه وتعالى. يعلم مين
اللي بالنسبة له الدين ده جزء من الحياة - [00:03:56](#)

ويعلم مين اللي الدين ده بالنسبة له كل الحياة فاللي عايز اقوله النهاردة ان احنا نفينا نلاقي شباب المسلمين والباقي منكم اللي فعلا
الدين ده هو حياته كلها وده ببيان في حاجات. ببيان في افكارك - [00:04:11](#)

تصوراتك ايه هو الحاجة اللي انت طول اليوم بتتفكر فيها. هي الحاجة اللي قبل ما تنام بتشغلك هي الحاجة اللي اول ما تقوم من
النوم بتتجي في بالك هي الحاجة لو لو انت حتى يعني تعبان او او متقدرة او او او او - [00:04:37](#)

دایما علی بالک برضه هي الحاجة اللي لو قعدت مع الناس بتتكلم فيها هي الحاجة اللي دایما بتخبط لها وتفكر لها هي الحاجة اللي لو فاتت منك بتزعل اوی. اوی. لو فاتت منك فرصة زي دي تزعل جدا - 00:04:58

هود في الحقيقة الهم الذي تحمله ان الادعاء سهل ممکن كلنا نقول انا اکيد طبعا بحمل هم الدين وهم الدعوة وهم العبادة وهم طلب العلم لكن في حاجات سهلة جدا بتتفسد كده على طول. خاصة الفترات اللي ما فيهاش تجمل. زي ما باقول لكم كده مسلا انا قبل ما انام قبل ما انام تسع - 00:05:15

في ايه ودي من الحاجات الخطيرة على فكرة قبل ما انام ايه اللي هو اللي بتسرح فيه بتقعد دماغك رايحة فيه لغاية ما ما عينيك تروح خالص في النوم - 00:05:39

لدرجة ان هو ممکن من كتر ما انت بتتفكر فيه تمام تحلم به ده صدقني ده اهم حاجة عندك. الحاجة اللي انت اول ما بتتصحي من النوم في بالک على طول - 00:05:54

وتلاقي نفسك بترتب يومك على اساسها وتلاقي ديت دایما بتيجي في بالک ان ديت واحد والباقي اتنين ثلاثة اربعة خمسة ستة. دي اهم حاجة عندك في واحد بالنسبة له اهم حاجة - 00:06:10

صلوة الجماعة اول ما بيصحى في يومه بيسطا بايه صلاة الجماعة تتصل فين وازاي وفين وهنعمل ايه وبعد كده بيرتب هو على اساس كده في واحدة اهم حاجة عندها اورادها ازكارها - 00:06:24

اه حجابها آآ تراعي ان هي يومها ما يباقاش فيه اختلاط ما يباقاش فيه كزا وكزا. وبعد كده بتھيكل يومها على الوضع دوت في واحد اول ما بيصحى بيفكر هيقابل مين النهاردة؟ ازاي هيستسمر اليوم استسما دعوي؟ ايه هي الكتبات اللي هيأخذها معه؟ هيقابل مين ويكلمه ويرکز - 00:06:39

ركز معی النقطة الفلانية. هيبيعت رسالة لمین يفکرها بحاجة معينة. ازاي هيأثر على الشاب دوت؟ ازاي هيكلم الشاب دوت؟ ازاي يعني هيقف هيحل مشكلة الشاب دوت. فواحد اول ما بيصحى اول حاجة بتيجي في دماغه الام الناس وهموم الناس. عنده عارف ان في ست ديت عايزه ماتور - 00:07:00

الست ديت عايزه تلاجة علشان بنتها بتتجوز. والست ديت يعني كانت مكلمانی في مصاريف المدارس. شغله الشاغل طول اليوم بيفکر هکلم فلان اجیب منه فلوس. هکلم فلان ان هو يساعدني في التلاجة. هکلم فلان دماغه في الحنة دي - 00:07:20
هو عادي بياکل ويشرب بیروح شغله وبیزاکر وكل حاجة عادي. بس دماغه كلها في الموضوع دوت واحد اول ما بيصحى من النوم دماغه كلها النهاردة هحفز ايه في القرآن؟ ايه الدرس اللي هحضره؟ ايه اللي هزيده في العلم؟ شغال. شغال - 00:07:36
هموم هموم وكل الهموم دي المفروض كلها بتجمعت في في الآخر ان كل دول فعلًا يريدون وجه الله علشان كده هي كل الحاجات دي بتلف في الآخر علشان تستقر في الجنة - 00:07:52

تستقر في الجنة. ويبقى دوت فعلًا هو ده الهم الحقيقي هو ده الهم الایه؟ الهم الحقيقي. ذلك يعني آآ عمر بن عبدالعزيز يقول تمنيت الامارة حتى نلتها. هي دي كانت شغلي الشاغل في يوم من الايام. ده كان همتی في يوم من الايام - 00:08:06

ثم تمنيت الخلافة حتى نلتها. يقول دي كانت همتی وانا اعترف بذلك. كل همي كان انا ابقي خليفة وفعلا بقى خليفة بيقول بعد كده بقى بعد ما شاف الدنيا وخد كل اللي هو عايزه. قال ثم تمنيت الان ما اتمنى الا الجنة. وارجو ان اناال - 00:08:27

ذلك النبي عليه الصلاة والسلام قاعد مع صحابي عادي يعني صحابي ممکن آآ مش مشهور ممکن مش آآ يعني ربیعة اسمه ربیعة ربیع ابن کعب الاسلامی. ربیعة بن کعب الاسلامی صحابي عادي يعني مش من المشاهير مش من العشرة المبشرين. آآ لكن كان - 00:08:48
ان هو بخدم النبي عليه الصلاة والسلام. بیجیب له الوضوء بتاعه. بیجیب له المایة بیساعده في الوضوء. يعني بیحب يخدم النبي عليه الصلاة والسلام فالنبي عليه الصلاة والسلام يعني عايز يعني نجامله يعني او يرد له المعروف دوت يکافئه - 00:09:08

فقال عليه الصلاة والسلام ربیعة يا ربیعة سلني ما شئت سلني ما شئت ربیعة في رواية الحديث قال تفکرت في الدنيا فعلمت انها زائلة وعلمت ان النبي صلی الله عليه وسلم في المكان - 00:09:25

الذى هو له عند الله تعالى فبادر ربيعة بقول اسئلك مرافقتك في الجنة دي من الحاجات لتأكد الله اللي هو بيحمله فعلا لأن السؤال ده من غير تحضير. وسؤال مفاجى - 00:09:55

مفاجى يعني بضم الفرق بين بين الرجال دوت وبين واحد تاني النبي عليه الصلاة والسلام عرض عليه نفس العرض عارفين حديث فيه حديث مشهور اسمه حديث عجوز بنى اسرائيل او قصة يعني اسمها عجوز بنى اسرائيل. القصة دي خلاصتها ان النبي عليه الصلاة والسلام كان مرة مسافر - 00:10:17

فنزل عند رجل اعرابي نزل عند رجل اعرابي فالراجل الاعرابي ده اكرمه وضيوفه ويتبع والكلام دوت وكان النبي عليه الصلاة والسلام يحب دايما يرد الجميل فقال للاعرابي دوت يعني انا لازم تيجي لي المدينة اول اي يوم تتعدي فيه على المدينة لازم تيجي لي علشان اكرمك واكافئك - 00:10:44

في العادي يعني يا مرة كده كان معدى على المدينة فدخل وسأل عن النبي عليه الصلاة والسلام ولقي النبي عليه الصلاة والسلام. فالنبي عليه الصلاة والسلام بيقول له سلني ما شئت. يعني شف انت تحب ايه؟ اكافئك به - 00:11:07

على الحاجة الجميلة اللي انت عملتها لي دي فقال عليه الرجل اسئلتك شا اتنى يعني شاء يعني حلوم يعني شاة تحلب اللبن. يعني اتبلغ بها الى اهلي. اروح بها لاهلي وابسطهم. شاة - 00:11:20

تخيل فقال النبي عليه الصلاة والسلام عجز هزا عجوز بنى اسرائيل يعني النبي عليه الصلاة والسلام بيلوم عليه بيقول له يعني انت هو ده اللي شاغلك بس - 00:11:39

شا تحليبها هو ده اللي جاي في دماغك. ما هذه الهمة يعني؟ شف واحد واقف قدام النبي عليه الصلاة والسلام ويتعرض عليه عرض اطلب اللي انت عايزه. يعني يعني في الاخر تطلب لو اي حد طلبت منه هيدي لك اكتر من كده - 00:11:56

النبي، عليه الصلاة والسلام فبيقول عجز هزا ان يكون عجوز بنى اسرائيل فقال الصحابة ومن عجوز بنى اسرائيل عشان تشوف بقى فرق الهم وفرق الهمة وفرق الصدق الله يحبكم يا رب ويرضى عنكم. فقال النبي عليه الصلاة والسلام - 00:12:10

بيحكي بقى ان موسى عليه السلام لما خرج بقومه خرجوا من مصر فظل الطريق يعني كان عارف السكة وبعد كده تاه تاه. فلما ضل الطريق حسان فيه حاجة غلط. لان مش طبيعي ان يحصل كده - 00:12:27

وطالما حصل كده بقى غالبا احنا عاملين حاجة غلط فقال موسى عليه السلام لقومه يعني آآآ ما هزا؟ ما هزا يعني ايه؟ يعني عايز يقول فيه ايه غلط؟ انت مخبيين علي حاجة. في حاجة احنا عاملينها غلط - 00:12:42

فاعترف الناس اللي هم علماء بنى اسرائيل اعترفوا له. قال يا موسى ان يوسف عليه السلام يوسف عليه السلام او صانا الا نخرج من مصر حتى نحمل جثمانه معنا يعني يوسف عليه السلام وصية النبي. قال لنا ما تطلعوش من مصر الا واتاخدوا جستي معكم - 00:13:01

ويعني الانبياء لا لا تأكلهم الارض كما هو معلوم فموسى عليه السلام قال طب ما طب ما ما قلتلوش ليه يعني؟ طب فين القبر دوت دلوني على قبر يوسف؟ قالوا للأسف ما فيش اي حد فينا فاكر - 00:13:23

فين قبر يوسف عليه السلام؟ يعني مع مرور الزمان ما كانوش مهتمين بالمعلومة دي فما كانوش بيتوارثوها كوييس على اعتبار انهم مهملين في تنفيذ تعاليم الانبياء كالعادة قال لهم يعني ما فيش اي حد يعرف خالص المعلومة دي. قالوا له ما فيش غير عجوز بنى اسرائيل. ست عجوزة كده عندنا هي دي الوحيدة اللي عارفة المعلومة ديت - 00:13:37

قال دلوني عليها. فدلوه عليها. فجيء بهذه المرأة العجوز وقال لها موسى دليني على قبر يوسف. اين قبر يوسف فقلالت لا حتى تعطيني حكمي. يعني ما اريد وقال وما حكمك يعني ماذا تريدين يا امرأة؟ بصي بقى الفرق الفرق بين الرجال اللي النبي عليه الصلاة والسلام قال له شف انت عايز ايه؟ فقال له عايز شاة احلبها - 00:14:01

وفرق بين واحدة ست عجوز في بنى اسرائيل بتتفكر في ايه ودماغها في ايه؟ على فكرة المفاجأة الموضوع ده جالها مفاجأة برضه يعني جالها مفاجأة من غير ما تحضر له ولا تبقى مستعدة له. فجأة كده - 00:14:26

قال لها سيدنا موسى عايزك ايه الموضوع؟ هو فين قبر يوسف؟ لأن مش هقول لغاية ما اطلب طلب ايه يعني ازا الموضوع ده شاغلها جدا الموضوع ما بيطلعش من دماغها. الموضوع مسيطر عليها لدرجة ان هي اول ما وجدت فرصة للطلب هتطلب. المهم سيدنا موسى مش مستوיעب لسه - 00:14:41

قال لها طيب قولي اللي انت عايزاه يا ستي. ايه اللي انت عايزاه نعمله بس قولي لنا قبر يوسف فين وقالت اسألك مرافقتك في الجنة ياه ضربت عالي اوبي. ضربت عالي. قالت اسألك مرافقتك في الجنة. المشكلة في حاجة. ان الطلب اللي اتطلب من موسى عليه السلام ومن محمد - 00:15:02

صلى الله عليه وسلم دوت هو مش في ايديهم. يعني هو ما يقدرش من نفسه كده يقول لها تمام. يعني مش بتاعتي. لازم وحي ما هو ربیعة بن کعب الاسلامی قال له كده. فقال له اسألك مرافقتك في الجنة - 00:15:24

النبي عليه الصلوة والسلام يقول او غير ذلك يعني حاجة تانية في ايدي ما هي دي مش في ايدي ما قال لا هو ذاك. فقال له طيب يعني انا هدعي ربنا بس انت ايه يعني على نفسك. ساعدني برضو يعني عشان الموضوع في ايدين ربنا. يعني - 00:15:38 على نفسك بكثرة السجود سيدنا موسى لما المست قالت له كده يعني عايز يقول لها انت طلبت طلب ما مش في ايدي. بس هي عارفة انت كليم الله اتصرف انا اهو ده مش هقول اي حاجة لغاية ما تديني - 00:15:53

الحكم ده اطلبوا بقى من ربنا يعني وبالفعل مكت موسى برهة يعني مستنني وحي حتى نزل الوحي بالفعل قال الله لموسى ان يعطي المرء سؤلها. وان يخبر المرء انه قد اعطتها ما تريده. وجاء هذا وحي من الله - 00:16:09

الله سبحانه وتعالى. انظر الى الهمة وانظر الى الهمة وصلتها فين يعني هي المست دي خدت المكانة دي ازاي خدتها بهمة لما ربنا اطلع لقلبيها وجد فعلا عندها صدق صدق في الوصول الى هذه المنزلة اعطتها ايها. رغم ان ممكنا عملها ما يوصلهاش - 00:16:28 في ربع الكلام دوت لكن قلبها صادق في طلب هذه المنزلة حد يطلب مرافقة سيدنا موسى كده مرة واحدة طلعة كبيرة جدا مش سهلة يعني خاصة امرأة عجوز يعني مش اللي هي يعني البزل لكن قلب قلب يحملهم - 00:16:49

هم ان هو يخش الجنة. لدرجة ان دماغه كلها في الموضوع دوت اللي هو بيقابل اي حد بيكلمه في الموضوع دوت. شغله الشاغل لغاية المست لقت فرصة سيدنا موسى انا عايز اخش الجنة معك. مش هقول لك على مكان القبر لغاية ما تقول لي تريحي في الموضوع دوت. وفعلا سبحان الله - 00:17:08

مع ربنا وربنا لم يخيبها سبحانه وتعالى. ولم يخذلها. فاوحى الله الى موسى ان اعطيها سؤلها. المست دي قل لها ربنا بيقول انت معندي في الجنة. فعلا سيدنا موسى فرح جدا. اتحلت المشكلة. وراح للست وقال لها خلاص تمام. فقالت له على مكان قبر يوسف. فطلعه يوسف عليه - 00:17:28

السلام وحملوه معهم فاضاء لهم الطريق كما جاء في الرواية. فربیعة بن کعب الاسلامی نفس القصة احسن من الاعرابي بص الاعرابي همته ايه؟ انا دلوقتي لو انت ايه اللي بتتفكر فيه؟ هل كل افكارنا دلوقتي آآ اللبس والاكل والشرب - 00:17:48 والشقة والنیش والعنف وابتاع. ماشي فكر في الحاجات دي. بس الحاجات دي نمرة واحد دينك علم دعوة آآ بزل خدمة الفقراء والمساكين نشر التوحيد قمع البعد دنيا في ناس عايشة في الحنة دي. في ناس مش فارق معها اي حاجة - 00:18:05

هو عايش مسلم كده على هامش المؤتمر كل حاجة في حياته هي اهم حاجة الفلوس والمرتب والترقية والعلاوة والبدلات والشقق والسكن والجواز والطلاق اي حياته عايشة في الحنة دي. خلاص ان سعادكم لشتى. ان سعادكم لشتى. ففي فرق - 00:18:28

ما الهم الذي تحمله هذه النملة في قصة سليمان حملت هم هم قومها فلما رأت جيش سليمان فقالت يا ايها النمل ادخلوا مساكنكم لا يحطمكم سليمان وجنودهم لا يشعرون موسى سليمان عليه السلام يعني عجبه ان النملة دي صاحبة هم - 00:18:48 هم قومها ما هي كانت ممكنا تبعد هي والدنيا تطربا من ورايا انا مالي. لأن عشان كده باقول لك فيه ناس همها ممكنا ما يكونش طالب علم، ممكنا ما يكونش عالم. لكن همه الناس - 00:19:12

واحد بيحمل هموم الناس كل يوم بيحل مشكلة واحدة. كل يوم بيحل مشكلة اسرة فقيرة. كل يوم بيسعى صبح وليل ومكالمات

رسائل علشان يجيب صدقة من هنا وصدقة من هنا. طول اليوم بالليل يسعى على بيوت يدي دي ميت جنبيه ودي -

00:19:24

ستين جنبيه ويقف في مشكلة دوت ويحل مشكلة دوت حياته كده غير شغل وغير بيت وغير كل حاجة عادي لكن هو حامل هم الناس. ممكن يقعد يبكي علشان حالة فقيرة ما قدرش يقف جنبها - 00:19:47

فاته وما عرفش يعمل لها حاجة يبكي والله فيه ناس كده يتآلم للام الناس سبحانه الله! وفيه ناس لا تشعر بشيء ناس عايشين في الجونة ناس عايشين في السجادة الحمرا وفاكرين ان هي دي الدنيا وهي دي الاحلام وهي دي الطموحات وهو ده المكان اللي لو ما وصلناش ان احنا ما وصلناش لحاجة - 00:20:06

في ناس عايشة في كوكب تاني يا جماعة ان سعيكم يا شتى ام نجعل الذين امنوا وعملوا الصالحات كالمفسدين في الارض ام نجعل المتقين كالفجار والله لا يستوون ولن تستوي الخواتيم ولن تستوي الاحوال عند الله سبحانه وتعالى - 00:20:33

مؤمن قال ياسين شال الله مؤمن ال ياسين القرية اللي كان فيها الدعوة فيها تلات انباء. تلات انباء. مشنبي واحد لا ربنا قال تلات انباء فكذبواهنا فعززنا بثالث واضرب لهم مثلا اصحاب القرية جاء المرسلون. اذ ارسلنا يوم اثنين فكذبواهنا - 00:20:52

فعززنا بثالث تلات انباء تقول ده يعني الدنيا قايمة ويزاده يعني خلاص يعني مش تحتاج مش محتاجينك يعني لأ هو اتحرك لان هو بيعملهم مش عشان انت محتاجني ولا مش محتاجني - 00:21:17

دي مسألة مهمة احيانا بعضنا ما بيتحركش في العمل الدعوي الا لما يبقى فيه عجز الا لما يبقى فيه آآ يعني حد طالبه يعني يقول له لازم تيجي وما علش وما فيش غيرك بها طيب انا جاي - 00:21:36

وفي واحد انت محتاجيني مش محتاجيني انا اللي محتاج العمل الدعوي انا اللي محتاج ابذل في سبيل الله انا اللي محتاج الاجر. انا مش مستني حد يقول لي حاجة مؤمن قال ياسين ما حدش عزم عليه ولا حد طلبه ولا حد كان يعني - 00:21:53

آآ طلب منه مساعدة انما هو حامل للهم جاء من اقصى المدينة. يا سلام! يعني هو كمان مش موجود هنا لا ده جاي من اخر الدنيا. سمع بس سمع ان فيه - 00:22:11

في انباء وفي ايذاء وفي عمل دعوي وفي شغل ممكن اخد به اجر وفيه نصرة للدين هنا ممكن تحصل قال لك لأ انا اروح من اخر الدنيا اروح. طب فيه تلات انباء انت ايه اللي جايتك؟ جاي تعمل ايه؟ مش هتعرف تتكلم احسن منهم. مش هتعرف تعمل اللي عملوه. مش محتاجينك. انا محتاجك - 00:22:26

انا محتاج اشتغل انا قاعد نفسي بتاكلني انا عايز اشتغل انا محتاج الاجر انا محتاج العمل الدعوي جاء من اقصى المدينة رجل يسعى قال يا قوم المرسلين - 00:22:46

ربنا وصفه انه راجل. هي دي الرجولة يا جماعة همك هو اللي بيقول انت راجل ولا اقصد صفات الرجولة قد تكون امرأة ولكنها تحمل صفات فيها الایه آآ مثل الرجولة اقصد في الهمة والهم - 00:23:12

من اقصى المدينة رجل يسعى يا قوم اتبعوا المرسلين اتبعوا ما لا يسألكم اجر المهتدون. في الآخر قتلوه قيل ادخل الجنة قال يا ليت قومي يعلمون بما غفر لي ربى وجعلني - 00:23:34

من المكرمين همته وصلته في الجنة همته وصلته للجنة لما حمل الهم وجه هنا قدر ربنا ان يموت بايدي هؤلاء ويدخل الجنة تخيل بقى لو هو ما جاش هو ما جاش - 00:23:53

كان هيموت في نفس الوقت لكن كان هيموت هناك في بيته الهم وصلوا انه مات الموتة الجميلة ديت زيد ابن ثابت راح للنبي عليه الصلاة والسلام غزوة بدر بس كان سنه صغير او ي - 00:24:35

اتناشر تناشر سنة اه تمام تمام ملحوظة سريعة يعني انا متابع التعليقات على فكرة يعني ارجو ان احنا عادي يا جماعة يعني نتقبل الناس. انا اتقبل النقد وكل الناس مرحبا بهم يعني. واحنا نرجوا الهدایة للجميع - 00:25:08

اه ربنا يبارك فيكم يا رب. آآ ما فيش داعي ان احنا ايه نعمل مشكلة على تعليق هنا او هنا كل الناس مرحبا بها. حتى لو حد مش

عاجبه الكلام يعني لعله - 00:25:44

اذا استمع وانصت آآ ينتفع بشيء والجميع مرحبا به في الايه في اللایف دوت ربنا يرضيكم يا رب ويبارك فيكم. خلينا نركز في الكلام وآآ الامر بيد الله سبحانه وتعالى - 00:25:59

طيب زايد بن سابت راح للنبي عليه الصلاة والسلام في يوم بدر النبي عليه الصلاة والسلام استصغره ورد انا مش هينفع تيجي حصل ايه من زايد؟ رجع لامه يبكي يبكي - 00:26:14

يبكي ما راحش غزوة بدر رغم ان هو عنده تلتاشر سنة. يعني هو ما ينفعش امه راحت به للنبي عليه الصلاة والسلام حاولت تتوسط ان هو يبقى له دور. اي دور. فقالت للنبي عليه الصلاة والسلام يعني ان زيد ولد نبيه - 00:27:01

يحفز كوييس بيقدر يحصل كوييس فيعني يدور له على اي دور. لأن هو من ساعة ما انت رفضته في بدر وهو بي بكى النبي عليه الصلاة والسلام شاف فيه توسم فيه كده الزكاء والحفز - 00:27:32

قال له انت عايز منك حاجة. قال له هي قال له تتعلم لي علشان هم بيسي وبينهم مكاتب ومراسلات وانا لا امن مكرهم يعني انا عايز حد يكون يعرف يقرأ كوييس الحاجات ديت علشان انا لا اعمل مكر اليهود - 00:27:48

المهم زايد ابن ثابت اخد الوصية دي من النبي عليه الصلاة والسلام وانطلق بها زيد ابن ثابت تعلم لغة اليهود خمستاشر يوم اتعلم لغة الايه لغة اليهود انت بقى لك كم سنة - 00:28:09

معلم انجليزي وما فلحتش فيه لسه ولسه بتخبط زايد النساء بتعلم لغة اليهود في خمستاشر يوم. وصار ماهر في القراءة وفي الكتابة وكل ده علشان عنده هم ما الذي يبكيك؟ - 00:28:35

دي الحاجة اللي بتخليك ايه تبكي على فوات الطاعة ولا تبكي على آآ الفريق اللي بتتشجعه خسر ما جابش جون آآ اللاعب اللي بتتشجعه او ما خدش الكرة الذهبية - 00:29:02

في واحد بي بكى علشان البنت اللي بيكرash عليها اتخطبت. يعني دي مشكلته في الحياة البنت اللي بيتكراش عليها راحت اتخطبت فهو يا عيني قاعد طول الليل والنهر بي بكى لما فاتته - 00:29:24

غزوة بدر بكى بكاء لكن ربنا اكرمه بقى. شف عشان برضه همته بص ما انت اربط كل الاحداث ببعض لما ما لهاش مسيل يا جماعة. عارفين ايه هي مين شاطر يقول لي زايد مسابة ربنا اكرمه ايه بعد كده؟ بسبب الهم - 00:29:43

هو اه ما راحش غزوة بدر اه ما راحش غزوة بدر لكن ربنا كرمه بحاجة تانية غير انه اتعلم لغة ده استعمله في حاجة عظيمة جدا جدا جد زايد ابن - 00:30:04

ابو بكر الصديق استعمله في جمع القرآن احسنتم ربنا يبارك يكفيكم يا رب انا اظن ان هذا الامر هي مكافأة لزيد على الهم الذي هم الدين لما حمل اهم الدعوة - 00:30:27

ربنا اكرمه ان تم اختياره القرآن. والفعل زايد ابن ثابت جمع كل القرآن في ميزان حسنات زيد ابن ثابت رضي الله عنه وارضاه ابن جابر رضي الله عنه مات قتل طبعا في استشهد في - 00:31:01

النبي عليه الصلاة والسلام لقي جابر وقال يا جابر ما كلام الله احدا كفاحا الا اباك يعني كلمه فقال يا عبدي تمنى علي امنية شوف الهم ده بعد ما مات بعد ما مات - 00:31:30

رد الى الدنيا ولكنه قد مضى مني القول الخلاصة يا شباب ان احنا عايزين نتعلم ان نحمل الهم. انا مش هطول عليكم يعني يمكن ده اخر آآ دقائق اكلمكم فيها - 00:31:52

لكن كل اللي عايز اقوله لكم ان احنا عايزين نتعلم ان نحمل الهم ان انا زي ما اقول لكم خلاصة الحياة يعني. ابني وجدت ان الناس تتفاوت عند الله بما في قلبه من - 00:32:19

الهموم بما في قلبه من الهموم فاللازم ان تعود نفسك على حمل هم هزا الدين ولازم انك انت تتبع افكارك وتصوراتك وهمومك اللي بيشغلك وايه اللي بيهمك وايه اللي انت طول النهار بتتفكر فيه؟ وايه اللي بتخبط له؟ وايه اللي بتسعى دايما في انك انت تكمله

اذا وجدت همك هم يعني لا يليق فانا انصحك ان ترفع الهمة وترفع الهم الهم يا جماعة. افتكروا الكلمة دي مني كويس. مش عارف هل انت مستوعبين انا عايز اقول ايه ولا ؟ انا اتمنى ان انا - 00:33:10

اكون وصلت لكم الفكرة في فرق يا جماعة بين يعني مش عارف اقول لكم ايه سامحوني انا عايز اوصل حاجة بس انا اتمنى من ربنا تكون وصلت. انت فاهمين يعني ايه الهم - 00:33:30

هم هم قلبك ده كن مهموم بامر الدين مشغول به اخدم الدين في ايه بعد كده حسب انت ايه المتاح بالنسبة لك. تطلب علم تدعوا الى الله تخدم المسلمين. تنشر التوحيد - 00:33:47

تدعوا تحفظ الاطفال تصلح نفسك بس انت مشغول الموضوع ده شاغلك صبح وليل بتفكر فيه ده كبير قوي يا جماعة ان ربنا قال يوم تبلى السرائر وقال افلا يعلم اذا بعثر ما في القبور - 00:34:12

وحصل ما في الصدور. ان ربهم بهم يومئذ لخبير يومئذ تعرضون لا تخفي منكم خافية. ربنا يعلم السر واخفى. يعني اخفى من السر انا نفسي نطلع به النهاردة انا كلفتكمش بحاجة تعملوها. يعني الليف ده مش بقول لك اعمل حاجة معينة - 00:34:39

بس انا نفسي توصل لك الفكرة دي انت لو وصلت لك الفكرة دي واتحولت لواقع انت هتعمل هتعمل ايه بعد كده. لأن الهم بيتحول الى عمل. عشان كده النبي عليه الصلاة والسلام قال ايه ؟ قال اصدق الاسماء - 00:35:10

همام وحارس لان الانسان عموما ما بين هم وحرب. الهم هم. والحرف الفعل. فالانسان يبكي الهموم والهموم دي على طول تتحول الى افعال بغض النظر عن ايه الهموم وايه الافعال عشان كده بقول انا النهاردة عايز اسس الاساس الاولاني الهم انك انت تحمل الهم - 00:35:29

هتعمل ايه بعد كده ؟ ده موضوع تاني. بس انت اكيد هتلاقي شغالة تشغلك. لكن من غير ما تكون حامل لهم هيبقى الدين ده على هامش المؤتمر في وقت الفراغ. في لو فيه كده في المواسم هيبقى فلكلور شعبي. هيبقى احد الانشطة الجانبية - 00:35:56
لأ ما ينفعش ما ينفعش. ما ينفعش الا ان الدين يبقي حياتك. قل ان صلاتي ونسكي ومحياي ومماتي لله رب العالمين. لا شريك له وبذلك امرت. وانا اول المسلمين. لو فعلنا الدين بقى كده ده اهم حاجة - 00:36:16

كده تلاقي النبي عليه الصلاة والسلام بيأكيد على النقطة دي كزا مرة. يقول ايه ؟ اللهم لا تجعل مصيبتنا في ديننا ولا تجعل الدنيا اكبر همنا وكان بيقول ايه في دعائه ؟ اول حاجة في دعائه يقول ايه ؟ يقول اللهم اصلاح لي ديني - 00:36:36
اللهم اصلاح لي ديني. ليه ؟ الذي هو عصمة امري. اهم حاجة اللهم اصلاح لي ديني ديني همك اهم حاجة عندي الذي هو عصمة امري. واصلاح لي دنياي التي فيها معاشى. واصلاح لي اخترتي التي لا يعادلك. اهم معنى الدين - 00:36:52

عشان كده في دعاء لصلاة الاستخارة ما دي حاجات بتعلملك تركز في دعاء صلاة الاستخارة بيقول ايه ؟ بيقول النبي عليه الصلاة والسلام كان بيقول ايه ؟ اللهم ان كان قل اللهم اني استخيرك بعلمك واستقدرك بقدراتك واسألك من فضلك العظيم. فانك تقدر ولا اقدر وتعلم ولا اعلم وانت علام الغيوب. اللهم ان كنت تعلم ان هذا الامر خير لي في ايه - 00:37:09

ها خير لي في ديني خير لي في ديني ومعاشي وعاقبة امري فاقدروا لي ويسروا لي ثم بارك لي فيه. وان كنت اعلم هذا الامر شر لي فيه ديني ومعاش عاقبة امري فاصرفة عنى واصرفي عنه - 00:37:28

دينى كلام النبي عليه الصلاة والسلام يدل على الهم هم اهم حاجة عندي ديني. اول حاجة باطلبها من ربنا. اول حاجة بتأكيد ان الحاجة اللي باعملها دي ديني سليم اهم حاجة بقى ديني سليم - 00:37:45

هتأسر على ديني مش عايزها كده هم كل الكلام ده والادعية دي بتدلk على حال النبي عليه الصلاة والسلام اطلعوا من هنا عاملين للهم بس ده الواجب النهاردة اطلعوا من هنا - 00:37:59

حاملين هم الدين وهم الدعوة وهم المسلمين. ولعلنا في لقاءات تانية نقول بقى ايه بقى اللي احنا المفروض ايه ؟ نعمله وازاي نخدم دينا صح. يا رب يكون الرسالة دي وصلت - 00:38:20

